



სსიპ ბათუმის შოთა რუსთაველის
სახელმწიფო უნივერსიტეტი

31 აგვისტო, 2026 წ.

აკადემიური საბჭოს დადგენილება № 06-01/160

2026 წლის აგვისტოში ჩატარებული კონკურსის შედეგად გამარჯვებული ბსუ-ს მიზნობრივი კვლევითი საგრანტო პროექტების დამტკიცების შესახებ

„უმაღლესი განათლების შესახებ“ საქართველოს კანონის 21-ე მუხლის პირველი პუნქტის, ბსუ-ს წესდების მე-8 მუხლის, „ბსუ-ს მიზნობრივი კვლევითი საგრანტო პროექტების შერჩევისა და განხორციელების დებულების დამტკიცების შესახებ“ ბსუ-ს აკადემიური საბჭოს 2026 წლის 23 ივლისის №06-01/134 დადგენილების, „ბსუ-ს მიზნობრივი საგრანტო პროექტების შესარჩევი კონკურსის გამოცხადების შესახებ“ ბსუ-ს რექტორის 2026 წლის 12 აგვისტოს №01-02/151 ბრძანების (ცვლილება ბსუ-ს რექტორის მოადგილის 2026 წლის 20 აგვისტოს №01-02/152 ბრძანებით), „ბსუ-ს მიზნობრივი საგრანტო პროექტების შესარჩევი საკონკურსო კომისიის შექმნის შესახებ“ ბსუ-ს რექტორის 2026 წლის 21 აგვისტოს №01-02/153 ბრძანების, „ბსუ-ს მიზნობრივი კვლევითი საგრანტო პროექტების შესარჩევი საკონკურსო სააპელაციო კომისიის შექმნის შესახებ“ ბსუ-ს რექტორის 2026 წლის 21 აგვისტოს №01-02/154 ბრძანების, საკონკურსო კომისიის სხდომის ოქმის (№4, 24.08.2026 წ.) და სამეცნიერო კვლევების სამსახურის მთავარი სპეციალისტის (სამსახურის უფროსის მოვალეობის შემსრულებლის)/საკონკურსო კომისიის მდივნის სამსახურებრივი ბარათების (№1092849, 25.08.2026 წ. და №1115825, 31.08.2026 წ.), სააპელაციო კომისიის თავმჯდომარის სამსახურებრივი ბარათის (№1110869, 31.08.2026 წ.) საფუძველზე, აკადემიურმა საბჭომ

დაადგინა:

1. დამტკიცდეს ბსუ-ს რექტორის 2026 წლის 12 აგვისტოს №01-02/151 ბრძანების საფუძველზე ჩატარებული კონკურსის შედეგად გამარჯვებულად გამოვლენილი, 2026 წლის 01 ოქტომბრიდან განსახორციელებელი ბსუ-ს მიზნობრივი კვლევითი საგრანტო პროექტები და დაფინანსდეს პროექტების ბიუჯეტების შესაბამისად:

ა) ინტერდისციპლინური მიმართულებით ბსუ-ს მიზნობრივი კვლევითი საგრანტო პროექტები:

1. ინტერდისციპლინური (1.1. ზუსტი და საბუნებისმეტყველო მეცნიერებების) მიმართულებით ბსუ-ს მიზნობრივი კვლევითი პროექტი „მდინარე რიონის ზუთხისებრები და მათი კრიტიკული ჰაბიტატები: ეკოლოგიური მდგომარეობის, მძიმე მეტალებით დაბინძურებისა და კონსერვაციის პრიორიტეტების შეფასება“ (საპროექტი განაცხადი, აღწერილობა (გეგმა-გრაფიკით და ბიუჯეტით) და თანდართული დოკუმენტაცია - წინამდებარე დადგენილების №1 დანართი), პროექტის ხელმძღვანელი (მენეჯერი) - ბსუ-ს ფიტოპათოლოგიისა და ბიომრავალფეროვნების ინსტიტუტის კოლხეთის ტორფნარებისა და წყლის ეკოსისტემების კონსერვაციის განყოფილების უფროსი (მთავარი მეცნიერი

თანამშრომელის მონაცემებით) იზოლდა მაჭუტაძე; პროექტის ბიუჯეტი - 48 550 ლარი;

2. ინტერდისციპლინური (1.6. ჰუმანიტარული მეცნიერებების) მიმართულებით **ბსუ-ს მიზნობრივი კვლევითი პროექტი** „ქალთა ნარატივებში შემონახული აჭარა“ (საპროექტი განაცხადი, აღწერილობა (გეგმა-გრაფიკით და ბიუჯეტით) და თანდართული დოკუმენტაცია - წინამდებარე დადგენილების №2 დანართი), პროექტის ხელმძღვანელი (მენეჯერი) - ბსუ-ს ჰუმანიტარულ მეცნიერებათა ფაკულტეტის ევროპეისტიკის დარგობრივი დეპარტამენტის ასოცირებული პროფესორი ნანა მაზმიშვილი; პროექტის ბიუჯეტი - 23 400 ლარი;

3. ინტერდისციპლინური (1.1. ზუსტი და საბუნებისმეტყველო მეცნიერებების; 1.2. ინჟინერია და ტექნოლოგიების; 1.4. აგრარული მეცნიერებების) მიმართულებით **ბსუ-ს მიზნობრივი კვლევითი პროექტი** „მცენარეული ანტიმიკრობული კომპოზიტის შექმნა, ბიოაქტივობისა და მოქმედების სპექტრის კვლევა და გამოყენების რეკომენდაციების შემუშავება“ (საპროექტი განაცხადი, აღწერილობა (გეგმა-გრაფიკი და ბიუჯეტით) და თანდართული დოკუმენტაცია - წინამდებარე დადგენილების №3 დანართი), პროექტის ხელმძღვანელი (მენეჯერი) - ბსუ-ს ტექნოლოგიური ფაკულტეტის აგროეკოლოგიისა და სატყეო საქმის დარგობრივი დეპარტამენტის ასოცირებული პროფესორი ნარგული ასანიძე, პროექტის ბიუჯეტი - 50 000 ლარი;

ბ) დარგობრივი მიმართულებით ბსუ-ს მიზნობრივი კვლევითი საგრანტო პროექტები:

4. დარგობრივი (1.1. ზუსტი და საბუნებისმეტყველო მეცნიერებების) მიმართულებით **ბსუ-ს მიზნობრივი კვლევითი საგრანტო პროექტი:** „სასრული ჯაჭვებით განსაზღვრული BxD ნახევარჯგუფების წარმომქმნელი სიმრავლეები“ (საპროექტი განაცხადი, აღწერილობა (გეგმა-გრაფიკი და ბიუჯეტით) და თანდართული დოკუმენტაცია - წინამდებარე დადგენილების №4 დანართი), პროექტის ხელმძღვანელი (მენეჯერი) - ბსუ-ს ზუსტ მეცნიერებათა და განათლების ფაკულტეტის მათემატიკის დარგობრივი დეპარტამენტის ასოცირებული პროფესორი ომარ გივრაძე; პროექტის ბიუჯეტი - 19 960 ლარი;

5. დარგობრივი (1.1. ზუსტი და საბუნებისმეტყველო მეცნიერებების და 1.4. აგრარული მეცნიერებების) მიმართულებით **ბსუ-ს მიზნობრივი კვლევითი საგრანტო პროექტი:** „ბოლო პერიოდში გავრცელებულ უცხო წარმოშობის მცენარეთა (*Andropogon virginicus* L., *Sicyos angulatus* L., *Solidago canadensis* L., *Verbena brasiliensis* Vell., *Youngia japonica* (L.) DC.) ინვაზიური და სარველა ბუნების შესწავლა აჭარისა და გურიის ფლორისტულ რაიონებში - დარღვეულ ჰაბიტატებსა და აგრო ლანდშაფტებში“ (საპროექტი განაცხადი, აღწერილობა (გეგმა-გრაფიკით და ბიუჯეტით) და თანდართული დოკუმენტაცია - წინამდებარე დადგენილების №5 დანართი), პროექტის ხელმძღვანელი (მენეჯერი) - ბსუ-ს ფიტოპათოლოგიისა და ბიომრავალფეროვნების ინსტიტუტის ბიომრავალფეროვნების მონიტორინგისა და კონსერვაციის განყოფილების უფროსი მეცნიერი თანამშრომელი ირაკლი მიქელაძე, პროექტის ბიუჯეტი - 44 600 ლარი;

6. დარგობრივი (1.3. სამედიცინო და ჯანმრთელობის მეცნიერებების) მიმართულებით **ბსუ-ს მიზნობრივი კვლევითი საგრანტო პროექტი:** „კოლორექტული კიბოს ეროვნული სკრინინგი დღეს და ხვალ: ეფექტურობის გაუმჯობესების შესაძლებლობების შესწავლა და პროგრამაში კტ კოლონოგრაფიის პოტენციური როლის შეფასება“ (საპროექტი განაცხადი, აღწერილობა (გეგმა-გრაფიკით და ბიუჯეტით) და თანდართული დოკუმენტაცია - წინამდებარე დადგენილების №6 დანართი), პროექტის

ხელმძღვანელი (მენეჯერი) - ბსუ-ს საბუნებისმეტყველო მეცნიერებათა და ჯანდაცვის ფაკულტეტის სტომატოლოგიის დარგობრივი დეპარტამენტის პროფესორი **დავით ცეცხლაძე**, პროექტის ბიუჯეტი - 46 500 ლარი;

7. დარგობრივი (1.5. სოციალური მეცნიერებების) მიმართულებით **ბსუ-ს მიზნობრივი კვლევითი საგრანტო პროექტი: „ჭკვიანი მენეჯმენტი და სოციალური ინოვაცია, მდგრადი და კონკურენტუნარიანი რეგიონებისთვის“ (საპროექტი განაცხადი, აღწერილობა (გეგმა-გრაფიკი და ბიუჯეტით) და თანდართული დოკუმენტაცია - წინამდებარე დადგენილების №7 დანართი), პროექტის **ხელმძღვანელი** (მენეჯერი) - ბსუ-ს ეკონომიკისა და ბიზნესის ფაკულტეტის ბიზნესის ადმინისტრირების, მენეჯმენტის და მარკეტინგის დარგობრივი დეპარტამენტის ასოცირებული პროფესორი **ნანული მახარაძე**, ბიუჯეტი - 39 000 ლარი.**

2. ეთხოვოს ბსუ-ს რექტორს და ადმინისტრაციის ხელმძღვანელს „ბსუ-ს მიზნობრივი კვლევითი საგრანტო პროექტების შერჩევისა და განხორციელების დებულების“ შესაბამისად ამ დადგენილებით დამტკიცებული გამარჯვებული ბსუ-ს მიზნობრივი კვლევითი საგრანტო პროექტების (წინამდებარე დადგენილების №1-7 დანართები) განხორციელების მიზნით, ამავე საგრანტო პროექტების შინაარსის (აღწერილობა, კალენდარული გეგმა, ბიუჯეტი, პერსონალის თანხმობები) გათვალისწინებით, საქართველოს კანონმდებლობის შესაბამისი სამართლებრივი აქტების გამოცემა და შესაბამის პერსონალთან შრომითი ხელშეკრულებების გაფორმება.

3. კონკურსში გამარჯვებული **ბსუ-ს მიზნობრივი კვლევითი საგრანტო პროექტების ხელმძღვანელებს** (იზოლდა მაჭუტაძე; ნანა მაზმიშვილი; ნარგული ასანიძე; ომარ გივრაძე; ირაკლი მიქელაძე; დავით ცეცხლაძე; ნანული მახარაძე) დაევალოს არაუგვიანეს 2026 წლის 02 სექტემბრისა წარუდგინოს ბსუ-ს რექტორს სამსახურებრივი ბარათი, პროექტში ჩასართავი პერსონალის და სტუდენტების შესახებ (დამტკიცებული პროექტების შესაბამისად შემდეგი ინფორმაცია: სახელი, გვარი, პოზიცია პროექტში, სამუშაო აღწერილობა/შესასრულებელი ფუნქციები, შრომითი ურთიერთობის ხანგრძლივობა და გასაცემი შრომის ანაზღაურების ოდენობა), ხოლო **ბსუ-ს ადამიანური რესურსების მართვის სამსახურმა უზრუნველყოს** შესაბამის პირებთან შრომითი ხელშეკრულებების გაფორმება.

4. დადგენილება გამოქვეყნდეს ბსუ-ს ვებგვერდზე.

5. წინამდებარე დადგენილება დაეგზავნოს რექტორს, რექტორის მოადგილეებს, ხარისხის უზრუნველყოფის სამსახურს, ადმინისტრაციის ხელმძღვანელს, საფინანსო-ეკონომიკური დეპარტამენტს, საქმისწარმოების სამსახურს (კანცელარია), ადამიანური რესურსების მართვის სამსახურს, საინფორმაციო ტექნოლოგიების სამსახურს, იურიდიულ დეპარტამენტს, წინამდებარე დადგენილებით დამტკიცებული ბსუ-ს მიზნობრივი კვლევითი საგრანტო პროექტების ხელმძღვანელებს (იზოლდა მაჭუტაძე; ნანა მაზმიშვილი; ნარგული ასანიძე; ომარ გივრაძე; ირაკლი მიქელაძე; დავით ცეცხლაძე; ნანული მახარაძე), ბსუ-ს ინსტიტუტებს და ფაკულტეტებს.

6. დადგენილება ამოქმედდეს ხელმოწერისთანავე.

7. დადგენილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მისამართი: ქ. ბათუმი, სტეფანე ზუბალაშვილის ქ. №30).

აკადემიური საბჭოს თავმჯდომარე,
რექტორი

ტიტე აროშიძე